

«ЕРМЕК СЕРКЕБАЕВ АТЫНДАГЫ ӨНЕР КОЛЛЕДЖІ – ӨНЕРДЕ ДАРЫНДЫ БАЛАЛАРҒА  
МАМАНДАНДЫРЫЛҒАН МЕКТЕП-ИНТЕРНАТ» КЕШЕНІ» КММ

КГУ «КОМПЛЕКС «КОЛЛЕДЖ ИСКУССТВ - СПЕЦИАЛИЗИРОВАННАЯ ШКОЛА-ИНТЕРНАТ ДЛЯ ОДАРЕННЫХ  
В ИСКУССТВЕ ДЕТЕЙ ИМЕНИ ЕРМЕКА СЕРКЕБАЕВА»

Қарастырылған:  
Рассмотрено:  
на заседании ПЦК «Пение»

протокол №10  
председатель ПЦК  
Габидуллина В.Ф. *Райесегі*  
«28» августа 2023 года

Келісілген:  
Согласовано:  
заместитель директора  
по профильной работе  
Хамзина А.С. *Хан*

Бекітілген:  
Утверждено:  
решением МС КГУ «Комплекс  
«Колледж искусств» ЦПОД»  
председатель Рыжик Г.Л.  
«31» августа 2023 года



## ЖҰМЫС ОҚУ БАҒДАРЛАМАСЫ РАБОЧАЯ УЧЕБНАЯ ПРОГРАММА

### ДӘСТҮРЛІ ӘН ТРАДИЦИОННОЕ ПЕНИЕ

(ПӘННІҢ АТАУЫ/НАИМЕНОВАНИЕ ДИСЦИПЛИНЫ)

Петропавл қаласы, 2023 жыл

Составитель: Айтбаев Ж.Х. - преподаватель музыкальных дисциплин  
ПЦК«Пение»

Рецензенты:

Габидуллина В.Ф. – председатель ПЦК «Пение»

Есжанов Б.С. - преподаватель музыкальных дисциплин ПЦК«Пение»

Утверждена методическим советом КГУ «Комплекс «Колледж искусств – специализированная школа-интернат для одарённых в искусстве детей имени Ермека Серкебаева»

Регистрационный номер №3

Дата регистрации 31.08.2023

5 – 68 сар.  
6 – 68 сар.  
7 - 68 сар.  
8 - 68 сар.  
9 - 68 сар.

**Барлығы: 340 сар.**

### Түсінік хат

Қазак халқының дәстүрлі мәдениетінде ән өнерінің алар орыны айрықша. Қазактың ән өнері өзінің бастау тегін кадам заманнан тартатын байыргылығымен де, мейлінше көл-көсір молдығымен де тәнті етеді. Әсіресе, қоғам өмірінің барлық саласына араласып, барша құбылыстарға үн косып отыратын демократиялық сипаты қазак әндерінің философиялық-эстетикалық және тарихи-танымдық қадір-қасиетін даралап, мән-маңызын арттыра тусаді.

Ұлы Абай ән өнерінің осындай болмысын жете аңғарғандықтан да:

Тұғанда дүние есігін ашады өлең.  
Өлеңмен жер қойнына кірер денен, -

деп түйіндең. Ал Г.Н.Потанин үшін бүкіл қазак даласы ән салып тұрғандай көрінген.

Қазак ән өнерінің әйгілі өкілдері - Біржан сал, Ақан сері, Үкілі Үбірай, Естай, Жарылғапберді, Шашубай, Мұхит, Кенен, Майра және т.б. өнер иелері. Олар қалдырып кеткен асыл мұра ұрпактан-ұрпакқа рухани мұра болып, жалғасын тауып келеді.

Халқымыздың көзінің қарашығындағы сақтап келген ән мұрасын, бүгінгі таңда жоғарғы оку орындарында оқытып, үйретуге мүмкіндік туып, қол жетіп отыр. Дәстүрлі ән айту пәннің алға қойған мақсаты мен міндеті, ауыз әдебиетінің арқасында сақталып келген ән өнерін, кейінгі ұрпакқа өз мәнінде оқытып үйрету. Атап айтқанда: әннің әуезді әуендерін дұрыс үйренуіне, сөз мәтіндерінің төл туындыларының сақталуына, әнді ұлттық дәстүрлі нақыншта орындалуына тигізер үлесі жогары болмақ. Бұл атап шынайы пән басқада пәндермен тығыз байланысты. Дәстүрлі ән айтатын болашақ дарынды әншілер үшін мынандай пәндер оқытылса нүр үстіне нүр болмақ.

**Ән өнері** - сан ғасырлық тарихы бар халық музыкасының терең бір ариасы. Жазу-сызуы кенжелеу елдің ұрпақтан-ұрпаққа ән-күйі ауыз әдебиеті арқылы тараған. Сондықтан да ариасы асып, толығысып отыратын ән халықтікі. Бүгінгі әңгіме арқауы халық әндері мен асыл қазынамызга мол мұра қалдырган сазгерлеріміз жөнінде сөз болмақ.

Рухани тыныстың кеңеюі мен эстетикалық сана-түсініктің қалыптасуына әннің әсер-ықпалы орасан зор болады. Халықтың бойындағы табиғаттың

тылсым сырларымен жұптасқан етенслік қасиеті оның тұрмыс-тіршілікке, әдет-ғұрыпқа деген талғамын ғана өсіріп қойған жоқ, сондай-ақ рухани жан дүниесінің сұлулық пен мейірімге іңкәр қайнар көзін ашты.

Өнер туралы таным-түсінік оның өміршендігіне мойын ұсыну, кекіргіне жаратылыс сыйлаган дарын қабілетін жетілдіріп, сан салалы, мол арналы синкретті өнер туғызына мүмкіндік берді. Соның ішінде шыккан күн, туган айдай дала жүртінің тал бесіктен жер бесікке түскенге дейінгі жан серігі ән болды.

Әннің қогамдық-әлеуметтік сипаты, тәрбиелік мәні елдің санасынан бір сәт тыскары калмағаны аян. Кең далада желдей есіп, ауыздан-ауызға тарап, толассыз кезіп жүретін ән мен күй халық жан дүниесінің ең асыл мұраттарын дәрілтеп, таратып отырады. Қайғы, мұнның өзіне зор ғибрат жатуы сондықтан.

Үрпак тәрбиесіне айрықша мән берген ата-баба сұлу ән, асыл сөздің кестесімен сәби жүрегін тербел, ой-санасын игі адамгершілікке жетеледі. Сондықтай кең-байтак ата жүрттабуыннан-буынға жалғасып, үят-аят, әдел-корген, мейірім-шарапат салтанат құрады. Ең кереметі сол, ән қанатында халық ойының терендігі, шексіз қиялы, кестелі, орамды шешен тілі берік сақталып, заманның алдын орап, кейінгіге тарады. Мұның езі от басынан Отан тұтастығына дейін тамырын үзбекен дәстүрге айналады. Шілдехана мен каралы жоқтау әннің аралығында да ақын жанды сері халықтың ғұмыры осылай түзілген. Оның жан-сарайын, пайым-парасатын, сұлу сазды әндерін тыңдалай айрықша бағалаған жандар көшпелілер өмірінің бұл ерекшелігін назардан тыс қалдырмаған.

Әр ғасырда қазақ жерін көктей шолып өткен француз, неміс, ағылшын, қытай, поляк, орыс саяхатшы-ғалымдарының даланың ән-күйі жайлышамсанып, таңдай каға жазған шынышыл сездерді осыны айғақтай туседі.

Қазақ әннің жанрлық сипаттары өте кең. Тұрмыс-салт әндері, махаббат, жастық күй, табигат лирикасы, туган жер, отаншылдық тақырыпты қамтитын ән өрісі тақырып ішінен сала-салага бөлініп жатады.

Біз бұдан халық әннің туу, осу, қалыптасу тегінің тым әріде жатқанын байқаймыз. Ал сөз етіп жүрген бірер ғасырдың аясын шырқау шыңына шыққан ән сарасының тұр-мазмұнын, гармониялық құрылым жүйесін зерттейтін алтын тегі деп карауымыз керек секілді.

Жасырары жоқ, бүгінгі музика мәдениетіміздің мерейін тасытып, ғұлдендіріп тұрган сарқылмас кәусәр бұлак, халықтың ән-күйі, солай бола тұрса да, совет дәуірінде фольклорлық ән өнері гылым тұргысынан талданып, жүйелі зерттелмей келеді.

Оның да белгілі бір саяси-әлеуметтік себептері болғанын бүгінгі жариялышы қезеңнің шындығы ашып беріп отыр. Шеңгелінен кан сорғалаган отызынышы, қыркыншы, елуінші жылдардың ызгарлы сұсы көптеген ұлттардың дәстүр-мәдениетіне, тарихына көленкесін түсірмей қалған жоқ. Қазақ халқының рухани жан-дүниесінде де сол жараның орны сайрап жатыр.

1933 жылы екі жүзден аса халық әні мен халық композиторларының әндерінің сөзі сottалды. Ауыз әдебиетіне тағылған айып, ән онерімізді де уысынан шығарған жок. «Феодалдық дәуірді жартылайтын ескінің сарқыны» деп тұжырымдалды. Арнайы тапсырмамен «жаңа заманға лайықталаудың» ән сөздері қайта жазылды. Бұл «саяси қырағылық» 1951 жылы ән мұрамызға бұғалыкты екінші рет салғаны белгілі.

Сән-салтанат, байлық-манас, атақ-абырой, діни атаулар ұстанған сөздер, «камауға» түсті. Үш мың жылдық тариги деректі бозторгайдай шырылдан ұрпақтан-ұрпаққа жеткізген, асыл әннің бір қанаты соқыр қатыгездікпен аяусыз қылады.

Қатал уақыттың диірмені жаңыштап, аштық пен түрмеден аксүйек болған ел мәдени мұрасынан, әнінен айырылған соң, арқасы жауыр, мұрны тесік тайлақтай бәрінен bezіп, жетекке жүре берді. Рухани тапшылықта, тоқырауга үшінрады.

Төл сөз түрмеде кетті. Жаңа жасанды сөз жанға жарық түсірmedі. Көптеген әндер айтылмай ұмыт қалды. Тіпті казақ даласын жаяу аралап, тірнектеп жүріп жинаған А.В.Затаевичтің 1500 әні шан жұтып, архивте қалды. Қызығып қолына алған жан «заманның қырағылығынан» корықты. Себебі ол әндер әлі «сұрпытаудан» өтпеген еді.

Кейінгі жылдарда ән сөздерінің бір-біріне ауысып, шатысып жүруі немесе сүренсіз, мағынасыз текстердің телінуі, сайып келгенде, жоғарыда айтқан зауалдың кесірінен екені аян.

Әнді тонау - тарихты тонау. Ең бастысы - сол әндерді шыгарушылардың тағдырына жасалған қиянат. Аты-жөні ұмытылып, өзі айтылып келген, өміrbаяны сызылып калған ән - ата-анасын іздел шырылдан жүрген бала секілді күй кешті. Көшілігі халық әні делінсе, енді біразы иесін таптай әлі де алдандаулы.

Соның бірі Сегіз серінің әндері (Мұхамедқанапия Баһрамұлы 1818-1854). Сегіз сері аса сауатты, зиялы адам болған. Сол кездегі саяси-әлеуметтік ағымнан хабардар Мұхамедқанапия ақ патшаның туган халқына қарсы жүргізген отарлау саясатына дәнекер болудан бас тартқаны үшін құғынга түсken. Тұмысы бөлек, тұла бойы тұңған дарын иесінің құдіретті өнеріне бас иген халық, - оны бұдан былай «Сегіз сері» деп атаңдырып жібереді. Елінің, туган жерінің тәуелсіздігі үшін өлімге бас байлаган Сегіз сері күрес жолын бауыр жүртінің рух қүінін оятудан бастады. Ерлік пен ездіктің, махаббат пен ғадауаттың небір гибрат үлгісін желілеген жыр, дастандар жазды. Ғашықтың отын жандырған, көнілді сергітіп, әрнеге жетелейтін мұнды-сазды, сұлу-назды әндер шығарды. Әр шығармасына зерделей үнілсе, оның оқиға мазмұнынан шыгарушының ғұмыр дерегіне қатысты көп жайға әркім-ақ қанығары сөсіз.

Мерзімді баспасөзде әр кез жарияланып жүрген галымдардың, жазушылардың, музика зерттеушілерінің Сегіз серінің ән-жырларына байланысты тарихи деректерден, архив материалдарынан сүзіп, сүйеніп жазған пікірлеріне мән беретін кез келген секілді.

Халық батыры, жалынды ақын Махамбеттің, мысқылдан түйін түйген шебер, от ауызды, орақ тілді шешен, әрі ақын Байсеркенің күйлерінің табылуы күй өнерімізді қалай биіктетсе, Сегіз серінің шашырап жүрген өз шыгармаларына иелік етуі ән өнеріміздің көкжиегін де солай кеңейте түсере хак. Жоғарыдағы айтылған пікірлерге жүгінсек, «Назқоның», «Ақбұлак», «Жылой», «Ақерке», «Гаунартас», «Бозшұбар» (жинақтарда «Бозжорға» болып жүр), «Қызға сәлем», «Гайни», «Әйкен-ай», «Көкем-ай», «Сәулем-ай», «Ал-қоның», «Еңлік-ай» (жинақтарда «Илигай» болып жүр), «Ақбакай» әндері Сегіз серігө байланысты айтылады.

Сондай-ақ, «Жиырма бес» әні Салгара Жанкісіұлынің, «Канатталды» әні Сейтжан сал Көрпешүұлынің, «Ой, көк», «Гүлдерайым», «Женеше-ай», «Жариям айдай», «Балқурай» әндері Нияз сері Бекдәүлетұлынің, «Қамажай» әні Мұстафа Сегіз серіұлынің делініп әңгімеленеді.

Бұл өнер саңлақтары - тарихқа белгілі, даңқы ел ішіне кең тараган адамдар. Олар тек кана ән шыгармаган. Сонымен бірге, небір тамаша жыр ұлгілерін туғызған саңлық ақындар болды.

Ел ішіндегі көнекөз қариялардың аузынан жиналып, архив қазынасына түскен сол жыр-дастандардағы өмірбаяндық деректерде осы әндердің туу себептеріне байланысты оқиғалар бар. Оның өзі шыгарушылардың тағдырына сабактастырылып айтылады. Бірак бұл әлі ғылым тұрғысынан түбекейлі зерттеліп тұжырымдалған жоқ. Ол - М.О.Әуезов атындағы Әдебиет және өнер институтының жұмысы.

Партияның қайта құру саясаты, жариялыштық күші аркасында халық тарихының 20-30 жылдарындағы ақтаңдақ беттерінің шындығы ашылды. Әділетсіз репрессияның құрбаны болған казак әдебиеті мен мәдениетінің жарық жұлдыздары Шәкәрім Құдайбердіұлы, Магжан Жұмабаев, Ахмет Байтұрсынов, Жусіпбек Аймауытов секілді көптеген даналарымыз кайта оралды.

Рухани болмысымыздың барлық саласында бірдей еңбек еткен аяулы жандар, ән-күйіміздің тегі туралы, оның болашақ дамуына байланысты баға жетіспес ойлар айтқаны белгілі, төл өнерді былай қойғанда, Батыс пен Шығыстың музыка тарихын білген, музыкалық аспаптарды еркін менгерген агалардың өздері де ән шыгарған. Бұл халық болмысындағы өнердің синкретті қасиетін айрықша бағалап, оның ыдырал кетпеуін, ұрпак санасына үзілмей жетуін армандаған ойшылдардың кейінгіге көрсеткен үлгі-онегесі, саражолы еді.

Көзі көрген, катар жүрген замандастасының айтуынша қарағанда, осы күнге дейін халық әні болып келген.

«Қызыл бидай» әні Жусіпбек Аймауытовтікі, «Сен сұлу», «Сүй, жан сәулем», «Ақсұңқар құс», «Япыр-ай», «Дайди-дай» әндері Магжан Жұмабаевтікі болып шыгады. Бұл да галымдарымыздың жүйелі түрде зерттеп, анықтайтын жұмысы болса керек,

Шәкәрім Құдайбердіұлының толық әндер жинағы «Өнер» баспасынан 1989 жылы жарық көрді. Әзірше ақын-композитордың ел арасына кең тараган үш әнінің сөзі ұсынылып отыр.

Музыка зерттеушілерінің айтуына караганда, халқымызда 5 мыңнан аса күй, 12 мыңға жуық ән бар екен. Оған әрбір әннің ондаган варианиттары қосылмаса керек. Бұл хатқа, таспаға түскендері гана. Ал ел арасында жүргені қаншама? Соңғы алты-жеті жылдың ішінде Қаратау, Балқаш, Көкшетау өнірлерінен жүздеген әндер ашылып алынды.

Бір гажабы, соңғы қырық жылдың шамасында баспалардан жарық кәрген ән жинақтарын парактасақ, халық композиторларының шығармаларын қоса есептегенде екі жүз елуге жетер-жетпес ән сездері енген екен. Теңізден қасықпен су алғандай, осы бір кoldan жасалған жұтандық жыл өткен сайын кеміп келеді. Бұл бәрімізді ойландыруға тиіс.

Біздіңше, ондердің көп томдық тұжырымдалған, академиялық жинағы шыгатын мезгіл жетті. Бұл - музикалық мұраны ғылым тұргысынан саралап анықтауда кезек күттірмейтін бүгінгі күннің өзекті мәселесі. Халық композиторларының өмірі мен өнерін, творчестволық ерекшелігін ашатын монографиялық еңбектерге, арнайы оқулықтарға, орта және жоғары музикалық оку орындары күні бүгінгे дейін зәру екенін айту нарыз. Бүгінгі бетбұрыс заманында асыл мұрага іжадаттылықпен қарап, оны ұрпактың рухани игілігіне айналдыру басты міндет те боп қойылып отыр.

Олай болса, ән-жырымыздың кем-кетігін толтыру, қадір-қасиетін көздің қарашығындағы сақтау бәріміздің, баршамыздың касиетті парызымыз.

Шаңырағымыздан ән үзілмесін !

### Қысқаша әдістемелік нұсқаулар

Дәстүрлі домбырамен ән айту мамандығын дамыту, үйрету, оқыту мақсатында 1965 жылы Ж.Елебеков пен F.Кұрманғалиев сияқты өнер майталмандары, Алматы Республикалық цирк өнер студиясының ішінен арнайы ән мектептерін ашты.

1. Қосымша домбыра пәні. (домбыра тартысының шындалуына)
2. Постановка голос. (дауысты қалыптастыруға)
3. Актерлік шеберлік. (сахна тәртібін үрленуге)

Домбыра

4. Сольфеджио (әнді сауатты, дұрыс орындауына)
5. Теория музыка (әнді музикалық талдау үшін жене нотага түсіруге)
6. Орындаушылық өнердің тарихы (әннің тарихын білуге).

Сондай-ақ ансамбль, оркестр және т/б пәндер келешек мамандарды дайындауда маңызы зор. Қорыта айтқанда дәстүрлі ән айту пәні Егеменді еліміздің рухани мұрасын дамытуға қосар үлесі мол.

ашты. Осындағы ән мектептерінің ашылуы халқымыздың дарынды ұл-қыздарының дәріс алуына мол мүмкіндік берді.

Осы домбырамен ән айту мектептерін 1989 жылы Ж.Елебековтің шәкірттері Қазақстан Республикасына енбекі сіңген әртіс Ж.Кәрменов пен Қазақстанның халық әртісі, Мемлекеттік сыйлықтың лауреаты, профессор

Қ.Байбосыновтың тікелей атсалысымен мемлекеттік Қарманғазы атындағы консерваториясынан ашылды.

Сонда-ақ, Елбасының қолдауымен 1998 жылы ел ордасы Астана қаласынан көрнекті өнерпаз, профессор, Мемлекеттік сыйлықтың лауреаты А.Қ.Мұсакожаеваның басшылығымен Қазақ Ұлттық Музыка Академиясы ашылып, соның ішінен ән мектебі (домбырамен ән салу) бөлімі дүниеге келді.

Бүгінгі таңда Қазақстанның барлық облыстық аймақтарынан ән мектептері ашылуда. Ән мектептерінің музыкалық оқу орындарында ашылуы қазак әнінің жүйелі түрде қалыптасуына, әннің дәстүрлі орындалуына, нотага жазылуына, сөз мәтіндерінің сакталуына қосар үлесі өте жоғары.

Ұсынылып отырған бағдарлама дәстүрлі ән айту мамандығы бойынша оқытын оқушылар мен студенттерге арналады.

**Халық әні мамандығы бойынша оқу бағдарламасының тақырыптық  
ЖОСПАРЫ**

| №              | Бағдарлама атауы   | Сынақ түрі                                    | Шығарманың саны |
|----------------|--|---|-----------------|
| <b>5 сынып</b> |  |   |                 |
| 1              | <ul style="list-style-type: none"><li>• Домбырамен ән айту класына қабылданған оқушыларға орындаушылық өнердің даму тарихы жайында түсінік беру.</li><li>• Баланы орындықта дұрыс отырғызып аспапқа колдарын (саусактарын) дұрыс кою, мүмкіндігінше айна алдына дайындалуын қадағалау;</li></ul> | Жыл бойында 1 жартыжылдық Емтихан             | 1 ән            |
|                |  | Академиялық концерт                           | 1 ән            |
|                |  | Емтихан                                       | 2 ән            |
| <b>6 сынып</b> |  |   |                 |
| 1              | <ul style="list-style-type: none"><li>• Оқушылардың кабілетіне байланысты орындалу жағынан күрделі, жоғары диапозондағы әндерді үйрету;</li></ul>  | Жыл бойында 1 жартыжылдық Академиялық концерт | 1 ән            |

|                |   |   |      |
|----------------|---|---|------|
|                |   | Емтихан                                       | 2 ән |
| 2              | <ul style="list-style-type: none"> <li>• Энді үйрену барысында сөз мағынасына үлкен мән беріп, дұрыс жаттауды жолға қою;</li> </ul>   | 2 жартыжылдық Академиялық концерт             | 1 ән |
|                |   | Емтихан                                       | 2 ән |
| <b>7 сыныш</b> |   |   |      |
| 1              | <ul style="list-style-type: none"> <li>Дауыс бояуын сауатты пайдалану, жақты босатып ауызды ашу, иекті сәл тәмен түсіру, және тынысты дұрыс алудың әдіс-тәсілдерін үйрету;</li> <li>• Үлттық дауыс ыргактарының сақталуын кадағалау;</li> </ul> | Жыл бойында 1 жартыжылдық Академиялық концерт | 1 ән |
|                |   | Емтихан                                       | 2 ән |
| 2              | <p>Оку барысында үйретілетін әннің тарихын, композитордың өмір баянын, орындаушылар жайлы деректерге шолу жасау.</p> <ul style="list-style-type: none"> <li>• Домбыра сүйемелуіне ерекше көніл қою;</li> </ul>                                  | 2 жартыжылдық Академиялық концерт             | 2 ән |
|                |   | Емтихан                                       | 2 ән |
| <b>8 сыныш</b> |   |   |      |
|                | <ul style="list-style-type: none"> <li>Дауыс бояуын сауатты пайдалану, жақты босатып ауызды ашу, иекті сәл тәмен түсіру, және тынысты дұрыс алудың әдіс-тәсілдерін үйрету;</li> <li>• Үлттық дауыс ыргактарының сақталуын кадағалау;</li> </ul> | Жыл бойында 1 жартыжылдық Академиялық концерт | 2 ән |
|                |   | Емтихан                                       | 2 ән |
|                | <p>Оку барысында үйретілетін әннің тарихын, композитордың өмір баянын, орындаушылар жайлы деректерге шолу жасау.</p> <ul style="list-style-type: none"> <li>• Домбыра сүйемелуіне ерекше көніл қою;</li> </ul>                                  | 2 жартыжылдық Академиялық концерт             | 2 ән |
|                |   | Емтихан                                       | 3 ән |
| <b>9 сыныш</b> |   |   |      |
| 1              | • Қазақ теледидары мен радиосының алтын қорындағы   | Жыл бойында 1 жартыжылдық                     | 2 ән |

|   |   |  |      |
|---|---|--|------|
|   | белгілі әншілердің орындауын -дағы ұнтаспаларды тыңдал, жұмыс жасауын жолға қою.            | Мемлекеттік емтихан әндерін тыңдау<br>2 жартышылдық Мемлекеттік емтихан әндерін тыңдау | 3 ән |
| 2 | Мемлекеттік емтиханга бекітілген әндерді шыңдал, өз деңгейінде жеткізіп орындауга дайындау. | Мемлекеттік емтихан әндерін тыңдау   | 3 ән |
|   |   | Мемлекеттік емтихан әндерін тыңдау   | 4 ән |
|   |   | Мемлекеттік емтихан  | 4 ән |

### Пәннің мазмұны мен мақсаты

#### **5-6 сынып оқушыларына арналған оқу жоспары**

Баланы орындыққа дұрыс отырғызып, добрамны ұстап үйрету, ән салу кезінде домбыраға қолдарын дұрыс қою, кеудесін, басын дұрыс ұстауды үйрету. Осы талаптарды тиянақты орындау келешекте ән салу мәнерінде ыргағына үлкен әсер етегіндегі оқушыға түсіндіре білу. Арқа дәстүрінде домбырамен ән сүйемелдеуді үйрету. Оқушыға женіл орташа диапазондағы халық әндерін үйрету, Сондай-ақ Біржан, Ақан, Естай, Мәди репертуарларының женіл әндерін үйрету. Үйрену барысында әннің сөзіне үлкен мән беру, сөзін дұрыс жаттауга сонымен қатар домбырамен сүйемелдеп айту кезінде аса қадағалау керектігін ескерту.

#### **Емтихан талаптары**

##### **I жартышылдық қысқы емтихан**

1. Халық әні
2. Халық композиторының әні
3. Қазақстан композиторының әні.

##### **II жартышылдық**

Академиялық концерт

1. Халық композиторының әні
2. Халық әні
3. Халық әні немесе Қазақстан композиторының әні.

## **Жазғы емтихан**

1. Халық әні
2. Халық композиторының әні
3. Қазақстан композиторының әні.

## **7 сынып оқушыларына ариалған оқу жоспары**

Жылдың басында өткен оқу жылында үйренген әндерді қайталап еске түсіру. Оқу жылының екінші жартысында оқушының домбыра тарту ән айту мәнерінің өсуіне байланысты бағдарламаны күрделірек болуы керек. Бағдарламаларға әр түрлі қағыстармен сүйемелдейтін шығармаларды енгізу. Мысалы: шертіп қағып, іліп, күреп ойнау. Әр композитордың өзіндік стилін ән айту кезінде сақтай білу. Ол үшін осы таланттардың орындалу негізінде үйренуге берілген әндерді күй табақтардан тыңдау.

### **Емтихан талаптары**

#### **I жартыжылдық қысқы емтихан**

##### **Академиялық концерт**

1. Халық әні
2. Халық композиторының әні
3. Қазақстан композиторының әні.

##### **Емтихан**

1. Халық әні
2. Халық композиторының әні
3. Қазақстан композиторының әні.

### **II жартыжылдық**

##### **Академиялық концерт**

1. Халық әні
2. Халық композиторының әні
3. Халық әні немесе Қазақстан композиторының әні.

## **Жазғы емтихан**

1. Халық әні
2. Халық композиторының әні
3. Қазақстан композиторының әні.

## **8 сыйнып оқушыларына арналған оқу жоспары**

Оқушыларға оқу мерзіміндегі бағдарламасы дауыс диапазоны жағынан, техникасы жағынан аса күрделірек болады.

Бұл кезде олардың бағдарламасы тек Арқа дәстүріндегі композиторларының әндерімен шектеп қоймай Жетісу, Батыс мектебінің Арқа дәстүріне жақын әндерді енгізуге болады. Жұмыс барысында осы мектептер жайлы түсінік беру. Халық композиторларымен Қазақстан композиторларының әндерін үйрену барысында олардың шығу тарихымен тереңірек танысу. Осы кезеңде оқушыларды сақналық орындаушылыққа үйрету жұмысы жүргізілуі тиіс, ягни орындау кезіндегі еркіндіке әр әннің өзіне тән болмысын бұзбай тыңдаушыға жеткізе білу. Жыл ішінде міндетті түрде өткізілетін академиялық концерттік емтиханға дайындық жүргізу.

### **Емтихан талаптары I жартыжылдық қысқы емтихан**

#### **Академиялық концерт**

1. Халық әні
2. Халық композиторының әні
3. Қазақстан композиторының ән

#### **Емтихан**

1. Халық әні
2. Халық композиторының әні
3. Қазақстан композиторының әні.

### **II жартыжылдық**

#### **Академиялық концерт**

1. Халық әні
2. Халық композиторының әні
3. Халық әні немесе Қазақстан композиторының әні.

### **Жазғы емтихан**

1. Халық әні
2. Халық композиторының әні
3. Қазақстан композиторының әні.

## **МЕМЛЕКЕТТІК ЕМТИХАН ТАЛАБЫ**

### **9 сыйнып**

Мемлекеттік емтиханың мақсаты мен міндепті мектеп бітірушілердің алған білімін айқындайтыш емтиханың ең жоғары формасы болып табылады.

Бітіруші оқушылардың емтихан бағдарламасында халық әндері, халық композиторларының әндері және ұлттық нақыштағы казіргі заман композиторларының әндері қамтылу керек.

Мемлекеттік емтиханға оқушылардың орындаушылық қабілетін ескере отырып, 4-5 шығарма таңдалап алынады. Сонымен бірге алғашқы оку жылдарында үйренген әндерді мемлекеттік емтиханда айтуда болады. Бөлім шешімімен бағдарламаны өзгертуге болады. Бағдарламаны бөлім бекіткен соң, онда белгілінген әндер емтиханға дейін бірнеше рет тыңдалады және қаңтар айында өтпелі емтихан өткізіледі. Оқушы мемлекеттік емтиханда айтатын әндерді сахнада шындауы керек. Сонымен катар сахналық орындаушылық қабілетін, әнді орындау кезіндегі актерлік шеберлігін дамытуы жөн.

Жалпы бағдарламада көрсетілген шыгармалардан мемлекеттік емтиханда айтылатын әндер сұрыпталып алынады.

### **Мемлекеттік емтихан бағдарлама үлгісі:**

- |              |             |
|--------------|-------------|
| 1. Сімет     | Халық әні   |
| 2. Айтбай    | Біржан сал  |
| 3. Мақпал    | Ақан сері   |
| 4. Көгершін  | Жаяу Мұса   |
| 5. Дәурен-ай | А.Сейдімбек |

### **Оқушылардың білімдерін бақылау және ұлгерім есебі**

Оқушының мамандықты менгеруінцикл комиссиясы академиялық концерттерде бірінші және екінші жартылдықтағы емтихандарда бақылап корытынды баға қояды. Оқушыларды бағалағанда оның жеке дара ерекшеліктерін ескергені жөн. Техникалық мүмкіншілігі төмен, бірақ өз ісіне жаупкершілікпен қарап, көп енбектенетін оқушынга енбегін ескеріп бағаны сәл көтермелеп қоюдын тәрбиелік мәні зор. Әр оқушының өз мүмкіншілігін жеке дара бағалаған жөн. Оқушының өз мүмкіншілігін іс жүзіне асыруға және жаупкершіліке тәрбиелеу.

Терен жан-жақты ойластырылып құрылған репертуар күнделікті өткізетін дәріс жоспары, оқу тәрбие жұмысын дұрыс ұйымдастыруға бағытталған негізгі факторлар болып есептеледі.

Оқушынша жеке жоспарын құрғанда оның өзіне тән бойындағы ерекше касиеттері, әнге деген табиғи дарындылығы, өмірге көз қарасы, ой өрісі мен

мінез құлқын ескерген жөн. Оқушының репертуарына формасы, стилі, мазмұны, фактурасы жағынан әр түрлі көркем шығармалар кіреді. Үстаз әр оқушыға жылдың басында мөлшермен бір жылдық тапсырма береді, бірақ оку процессі кезінде әр түрлі есептерге байланысты жоспардагы бір шығарманы басқа шығармамен ауыстыруға болады. Оқушы өзінің оку жоспарымен танысып тұруы керек, бұл оны өз міндеттіне жауапкершілікпен қарауға жүктейді. Оқушыны ынталандыру үшін әр дайы репертуарын жаңартып отыру қажет. Әр жылда өтетін академиялық концерттерде, қыскы және жазғы емтихандарда орындалатын әндермен бірге арнайы концерттік бағдарламалар беріп отырған жөн.

### **Репертуарлық тізім** **5 - 6 сынып**

1. Қ.Аманжолов «Өзім туралы»
2. Халық әні «Біркеліншек»
3. Халық әні «Кәмилә»
4. М.Жұмабаев «Ақ сұңқар күс»
5. Мәди «Үш қара»
6. Халық әні «Бұл бұлым»
7. Естай «Қоштасу»
8. С.Сейфуллин «Tau ішінде»
9. Серіз сері «Әйкен-ай»
10. Ақаы сері «Балқадиша»
11. Халық әні «Шилі өзен»
12. Халық әні «Ахай семей»
13. Ақан сері «Ләйлім»
14. Абай «Өлсем орным қара жер сыз болмайма»
15. Ә.Есбаев «Жар назы»

### **7 сынып**

1. К.Салыков «Аққу жеткен»
2. Қ.Байғабыұлы «Дүние»
3. Қ.Байғабыұлы «Меркі»
4. Майра «Бақша»
5. Серіз сері «Сәулем-ай»
6. Абай «Татьянаның әні»
7. Халық әні «Жаргатай»
8. Иманжусіптің әні
9. Акан сері «Тарыны таң асырып мінген қандай»
10. Ш.Қалдаяқов «Сен сұлу»
11. Акан сері «Ақтоқтының ау жары»
12. Абай «Ата-анаға көз қуаныш»
13. Ақан сері «Манмангер»
14. Нияз сері «Ой көк»
15. Кенен «Қайран жастық»

16. Абай «Қаранғы түнде тау қалғып»
17. Ә.Жақанов «Сырымбет»
18. Естай «Бірмұсқал»
19. Ақан сері «Майда қоңыр»
20. Ә.Есбаев «Өзгеге көнлім тоярсын»

#### **8 сынып**

1. Кенен «Бұлбұлға»
2. Халық әні «Екі жирен»
3. Ә.Есбаев «Тұған ел»
4. Жаяу Мұса «Сұрша қызы»
5. Естай «Сандуғаш»
6. Балуан Шолақ «Жастық»
7. Үкілі Ыбырай «Гәккү»
8. Мұхамеджанның әні
9. Ақан сері «Шырмауық»
10. Естай «Жайқоңыр»
11. К.Салықов «Жылжиды аққү»
12. Біржан сал «Жанып алды»
13. Мәди «Шіркін-ай»
14. Халық әні «Баян ауыл»
15. Халық әні «Қарагаш»
16. Халық әні «Қарға»
17. Абай «Көзімнің карасы»
18. Ақан сері «Нәзік гүл»
19. Сегіз сері «Файни»
20. Біржан сал «Айбазым»
21. Иманжүсіп «Сарымайын»
22. Біржан сал «Темір тас»
23. Жаяу Мұса «Ақшашақ»
24. Мәди «Қаракесек»
25. Халық әні «Сары бидай»
26. Кәрімбаев «Тракторшы қарындас»

#### **9 сынып**

- |                |              |
|----------------|--------------|
| 1. Ақан сері   | « Көкжендет» |
| 2.Шашубай      | « Ақ қайың » |
| 3. Біржан сал  | « Сырғакты»  |
| 4.Балуан шолақ | « Галия»     |
| 5.Біржан сал   | «Мақпал»     |
| 6.Ақан сері    | « Мақпал»    |
| 7.Ақан сері    | « Құлагер»   |

- |                |                      |
|----------------|----------------------|
| 8.Халық әні    | « Сімет»             |
| 9.Біржан сал   | « Айтбай»            |
| 10 Естай       | «Жанбота             |
| 12. Иманжүсіп  | «Сарымойын»          |
| 13. Біржан сал | «Теміртас»           |
| 14. Жаяу Мұса  | «Ақшашақ»            |
| 15. Мәди       | «Қарнакесек»         |
| 16. Халық әні  | «Сары бидай»         |
| 17. Кәрімбаев  | «Тракторшы қарындас» |

Бағдарлама үлгісінде көрсетілген әндерді айту шарт емес. Окушылар талабына сай бағдарламада көрсетілген әндер тізімінен алуға болады.

### **Ұсынылған әдебиеттер:**

1. Әуезов М. Абай жолы. Алматы, 1956в
2. Жұнісов С. Ақан сері. Алматы,-1972
3. Жұбанов А. Фасырлар пернессі. Алматы, 1975
4. Қазақтың 2000 әні (құрастырган Т.Бекхожина) Алматы. 1972
5. Қазақ халқының ғашықтық әндері (даярлаган Б.Ерзакович) Алматы, 1994
6. Төлебаев М. Макпал. Алматы, 1979
7. Сейдімбек А. Құй шежіре I том. Алматы, 1997
8. Сейдімбек А. Құй шежіре II том. Алматы, 1997
9. Сейдімбек А. Қазақ әлемі. Алматы, 1997
10. Қазақ әндері антологиясы (құрастырган Ж.Корменов) Алматы, 1991
11. Жаяу Мұса. (құрастырган Қ. Жұзбасов) Алматы, 1992
12. Жақанов І. Ақкулар конған айдын көл. Алматы, 1991
13. Жақанов І. Ғашықтық әндер, Алматы, 1992
14. Мұқанов С. Балуан Шолак. Алматы, 1962
15. Маңмангер (құрастырган Қ.Жұзбасов) Алматы, 1992
16. Қорлан (құрастырган Қ.Жұзбасов) Алматы, 1994
17. Инжү-Маржан (құрастырган Қ.Жұзбасов) Алматы, 1992
18. Гәккү (құрастырган Б.Ерзакович) Алматы, 1969
19. Ән асқары - Әміре (құрастырган Ж.Шәкәрімов) Алматы 1988
20. Елебекова Х. Ән — аманат. Алматы, 1989
21. Жолдасбеков М. Тоқсан толғау. Алматы, 1992
33. Бес ғасыр жырлайды (құрастыргандар М. Магаун, М.Байділдаев)  
Алматы, 1989
34. Ләйлім шырақ (құрастырган Қ.Жұзбасов) Алматы,1992
35. Жәнібек (құрастырган Т.Жүртпаев) Алматы, 2000
36. 1000 песни (составитель А.Затаевич) Москва, 1963
37. Қазақстан композиторларының әндері (құрастырган Ә.Нұрбаев)  
Алматы, 1990
38. Кәрменов Ж. Махаббат әні. Алматы, 1986
39. Кәрменов Ж. Ақылбайдың әні. Алматы, 1980
40. Қуанамың (құрастырган Г.Ержанова) Алматы, 1984
41. Рахимов Т. Сәби болғым келеді. Алматы, 1994
42. Жаяу Мұса (құрастырган Н.Найменин) Алматы, 1959